

2010

10 Joohr Häxä mer zelebriere is sälber und findes schick  
Mer bringe das johr keini Bänk über People und Politik  
Mol fünf mol vier mol drei mol zwei  
Und jedes Joohr simmer chli spöööter hei

10 Joohr Häxä hämmer mol grob überschlage  
150 Stund baut an unsere Waage  
Öppe 120 Liter schweppes hämmer vernichtet  
Und gliich viel wyg' hett me is brichtet

10 Joohr Häxä und jedi Fasnacht an die 30km gloffe  
Und 200 Schöttli im Lauf vo de Joohre gsoffe  
Das git öppe 15 kilo mir wärde rot  
Nid was ihr jetzt danket das sind die gässene Schnitzelbrot

10 Joohr Häxä do bruchsch e huffe Kohle  
Wenn de alles zäme zellsch chönnscht e Occasionkarre hole  
mindestens 20 kilo Material zum verteile pro Joohr  
und 2 Kilo Schminki und zwölf Dose Lack für d'Hoor

10 Joohr Häxä das miesst me bewärbe  
Guet für unseri Zoggeli hän a paar Bäum miesse stärke  
Mer hänn 7 bis 8 Beizer und 1 Pfarrer gseh go  
Bi de einte simmer truurig bim andere froh

10 Joohr Häxä heisst 1256 Meter Stoff in all dene Joohr  
Und öppe 50 Stund Guggemusik vo de Glori Moore im Ohr  
45 L Mählsuppe hett me is uftischt  
Und genau 3699 Konfetti us de Kleider gfischt

10 Joohr Häxä isch 10 mol bi jedem Wätter im Dorf umelaufe  
Um öppe 900 Plaggede go verkaufe  
Zum durehalte jedes Joohr guet 50 Vitamintablette  
Und d'Minic für zwüschedure scho fast uff dr Europalette

10 Joohr Häxä und immer mit Vollgas drbii  
Jetzt froge mer is isch's das ächt jetzt gsi  
Mir wüsse das noni und löhnd alles offe  
Jä jä liebi Lütt lueget nid so betroffe

Me chönnt is villicht no zu wittere 10 Joohr motiviere  
Wüerd me uns do und jetzt e Ständli zelebriere  
E lutts Happy Birthday liebi Häxä wär no schön  
Denn luege mer mol ob mer au nöggst Joohr vor Euch stöhn

